


Metabolic Integrations

Medical Biochemistry **2nd Year**

Dr. Abbas



VISIT...

LANZAROTE
Caliente.COM

بسم الله الرحمن الرحيم

Chapter: Met. Integrations

انهرده يا دكاتره هنبداً Chapter جديد اسمه Metabolic Integrations
يعني ايه Integration يعني تكامل

لما نبص علي العنوان الرئيسي كده من اول الترم الأول هنلاقيه هو ال
Metabolism ،،، خدنا الأول الميتابوليزم بتاع الكربوهيدرات وبعديها الليبيد
والبروتين والامينو اسيد والهيم والبيورين والبيريميدين وكل حاجه تقريبا

انا هنا ف الشابتري ده بدرسههم كلهم مع بعض في وقت معين
يعني بقول مثلاً وقت ال Feeding بيحصل ايه علي ال Metabolism بتاع
الكربوهيدرات والليبيد والبروتين
وقت ال Fasting يحصل ايه فيهم وقت ال Stress ،، وقت ال Exercise ،،
وقت الحمل ،، وهكذا بقي
كل شابتري كنت بدرس كل حاجه مع نفسها ،، انما ف الشابتري ده هأخدهم زي
ما قلت مع بعض ف نفس الوقت
اول موضوع مهم في الشابتري ده يسمي

Feed-Starve Cycle

يعني ايه Starve يعني صيام ،، وال Feed عارفينها طبعاً اللي هو الاكل
دوره الصيام والاكل يعني

اول شويه ف الموضوع ده قراءه سعيده في ساعه رشيدته
بيقولك ف الأول ان الشخص بيبقي صايم وبعد كده ياكل وبعدين يتكلم عن ال
Metabolic Processes اللي بتتعمل لما بياكل في دوره ديه اللي هما

Glycolysis, Gluconeogenesis, CHO Met. زي ال
Glycogenolysis اللي هما الكربوهيدرات كلها يعني
FA Synthesis, Lipolysis, Lipogenesis, Lipid Met. زي ال
Ketolysis, Ketogenesis اللي هما الليبيدز كلها يعني
Ptn. Met. زي الانابوليزم والكatabolيزم بتاع البروتين يعني البروتين كلها
يعني
كل ده برضه عادي مفيهوش أي حاجه هنبدأ الكلام الجد بقي باننا نعرف ان ال
Feed-Starve Cycle ديه متقسمه Phases كده

- اول Phase اسمها Well-Fed (Absorbed) State وديه بتحصل
من (0-4 Hours) بعد الوجبه الاخير
- ال Phase الثانيه اسمها Early Fasting (Post Absorbed) State
وديه بتحصل من (4-16 Hours) بعد اخر وجبه
- ال Phase الثالثه اللي هنتكلم عليها ال Fasting (Starving) State
وديه اكثر من ١٦ ساعه بقي وبتمتد لاياام كمان
- اخر Phase بقي هي Refed State

طب المهم دلؤتي عاوز اعرف الفرق بين Well-Fed و Refed
ال Well-Fed ده يعني انا كنت واكل من ٣ او ٤ ساعات وفجأه لقيت قدامي
اكل قومت كلت تاني ده كده Well-Fed
انما ال Refed ده واحد كان صايم بتاع ١٤ ولا ١٥ ساعه وقام كل ده كده
عمل Refed

طب يلا نخش بقي ف ال Phases نتكلم عن كل واحده بالتفصيل كده نعرف
ايه مميزاتهم ونعرف ايه اللي بيحصل فيها في الكربوهيدرات والليبيد
والبروتين ميتابوليزم وكده
يلا نخش ف اول Phase ونقول بسم الله

1-Well-Fed (Absorption) State

اتفقنا ديه بتعد لحد ٤ ساعات بعد الوجبه الاخيرہ ،، عاوزين نعرف ايه
مميزات ال Phase ديه

- أولا ،، مستوي الجلوكوز ف الدم ايه اخباره في المرحله ديه ،، عالي
ولا قليل --- < عالي طبعا
- طب ايه رأيك ف الانسولين --- < عالي برضه
- طب ايه رأيك في الجلوكاجون والادرينالين --- < ده قليل بقي

يبقي المحصله ايه ،، جلوكوز وانسولين عالي وجلوكاجون وادرينالين قليل
نمस्क بقي حاجه حاجه من اللي كلتهم ونشوف مصيرها ايه

- نبدأ بالكربوهيدرات مثلا ،، ال **Dietary CHO** اللي كلناها ديه
اهم Dietary CHO هو ايه ،، الجلوكوز طبعا ،، الجلوكوز يا جماعه
كان بيحصله Absorption وبعدين يروح علي ال Portal Blood علي
طول

- طب اول حاجه بتحصل للجلوكوز وهو ف الدم ايه ؟؟ ،، Uptake ،،
الجلوكوز كان بيتعمله Uptake من ال Tissues وخصوصا ال
Muscle و ال Adipose Tissue اشمعنا دول بالذات ؟
عشان ال Transporter جوا اسمه GLUT-4 و ال GLUT-4 ده
Insulin Dependent ف طول ما انا صايم مفيش انسولين ف
ال Muscle و ال Adipose Tissue مش بياخد جلوكوز وبيحرقو
FA ،، انما اول ما افطر ويبقي فيه جلوكوز كثير ال Transporter
يشتغل ويدخل جلوكوز براحتة
مش بس ال Muscle و ال Adipose Tissue اللي هياخدو جلوكوز
لا كمان ال Liver هياخد جلوكوز كثير اما الانسولين يزيده ،، ايه ده
ازاي؟ ،، انا معلوماتي بتقول ان ال Transporter اللي ف ال Liver

اسمه GLUT-2 وده Insulin independent ازاي الجلوكوز هيزيد
ف ال Liver اما الانسولين يزيد ؟

اقولك انا بقي يا سيدي ،، لو رجعنا ورا شويه في الكربوهيدرات هنفكر
ان ال Liver اما بيدخل جلوكوز بال GLUT-2 بيدخله عادي جدا
ملوش علاقه بالانسولين ،، انما اما الجلوكوز بيخش جوا بقي بيحصل
حاجه غريبه !!

الانزيم اللي بيكسر الجلوكوز جوا ال Liver كان Isomer لل
Glucokinase اسمه Hexokinase

ال Glucokinase ده بيحصله Induction بالانسولين يعني بيزيد كميته
ال Kinase ده ،، اول ما الانسولين بيعلي ف الدم يعمل Induction لل
Glucokinase ف يزيد تكسير الجلوكوز ف ال Liver ف الجلوكوز
ف ال Liver يقل و ال GLUT-2 يدخل جلوكوز اكر لل Liver
- بعد ما يزيد ال Uptake هزود حاجه اسمها ال Utilization اللي هما
ال Oxidation وال Storage

ابداً بقي أكسد الجلوكوز بال Major Pathway بتاعته اللي هي ال
Glycolysis واطلع منه طاقه
وابداً كمان اعمل Storage للجلوكوز في الكبد والعضلات ،، ونحوه ل
Glycogen

- طب اخر حاجه بقي وانا Well-Fed في ال Adipose Tissue هعمل
ايه للجلوكوز ،، عن طريق ال Glycolysis هعمل DHAP من
الجلوكوز وهحوله ل Glycerol-3-Phosphate اخدها واحط عليها
FA يديني TAG

لحد دلوتي مفيش حاجه جديده كل ده كلام قديم بس احنا بنرتبه كده بطريقه
مختلفه علي حسب حاله الجسم

طيب يا سيدي كده خلصنا الكربوهيدرات ،، نخش ف اللي بعده بقي

- **Dietary Lipids** تاني حاجه هي ال
ال Lipid هيبقي Mainly هنتكلم عن ال TAG
طيب وانا Well-Fed ال TAG هيكون ف انهي صورته ؟ هقولك هو ف
صورته من الصوره دول
يا اما Chylomicron يا اما VLDL
ال Chylomicron جايب ال TAG من ال Absorption بتاع الاكل من
ال Intestine
انما ال VLDL جايب ال TAG اللي اتصنع في ال Liver
عندنا بقي انزيم اسمه Lipoprotein Lipase موجود في ال Vascular
Endothelium و ال Extrahepatic Tissue خصوصا ال Muscle
وال Adipose Tissue وده بيحصله Activation بالانسولين ،،
بيعمل ايه الانزيم ده ؟ بيكسر ال TAG في ال Chylomicron و ال
VLDL ويطلع منهم حاجتين Glycerol وكمان FA
اعمل ايه بقي بكل حاجه من دول
- ال FA ده بحوله لـ Acetyl Co-A وبعط عليه ال Glycerol-3-
Phosphate يعني بعمله Esterfication وبصنع منه TAG اخزنه
في ال Adipose Tissue
- الجليسرول ده هعمل فيه ايه بقي ؟ ،، لو انا كنت Fasting كنت هدخله
Gluconeogenesis انما انا دلوتي Feeding وحلو اهو هعمل ايه
بقي !! هعمل منه Glycerol-3-P هعمل منه DHAP ثم يكمل في ال
Glycolysis اعمل منه Pyruvate ثم
Acetyl-CoA وبعدين اعمل منه يا اما FA يا اما Glycogen
- انا سيادتكم اتبقي عندي حاجه اسمها بقايا ال Chylomicron ال
Remnants بتاعتها يعني ،، ديه بكسرها عن طريق ال Liver
كده عرفنا الدهون اللي كلفتها مصيرها ايه ف جسمي
نخش بقي ف تالت حاجه هنتكلم عنها وهي البروتين

- تالت حاجه ال **Dietary Proteins (Amino Acid)** وديه بقي حكاية
الامينو اسيد اللي عملنالها امتصاص ديه راحت فين ؟ ال Portal Blood
اول Organ هيقابلني مين ف ال Portal Blood ؟ اكيد طبعا ال Liver
وهتوصل لحد الكبد والكبد بيعديها كلها من غير ما يحصلها Catabolism
خالص الا لو ال Concentration بتاع الامينو اسيد ده عالي اوي ف الدم
انما غير كده الكبد بيعدي كل الامينو اسيد من غير ما بيعملهم حاجه لاني
لسه ما اعرفش الخلايا محتاجه الامينو اسيد ديه ولا لأ
وبعدين يحصل صراع بقي علي الامينو اسيد ده مابين الانزيمات اللي
عاوزه تعمل Anabolism و الانزيمات اللي عاوزه تعمل Catabolism
- اول نوع هو ال Trans Aminases ودول اللي بيعملو Catabolism
للامينو اسيد ويطلعو منه Uria
- وتاني نوع هو aminoacyl-tRNAs وده بيحط الامينو اسيد الصحيح
فوق ال tRNA الصحيح عشان يخش في تصنيع البروتين يعني عاوز
يعمل Anabolism للبروتين

طب مين هيكسب الصراع بقي ؟ ،، بيقولك ايه بقي ال Aminoacyl-
tRNAs ديه ال K_m بتاعتها قليل يعني ال Affinity بتاعتها عالي يعني
هيمسك ف أي امينو اسيد ويدخله ف سكتة يعني لو الامينو اسيد التركيز
بتاعها معقول مش عالي اوي أي امينو اسيد هيجي هيخش ف سكة الانابوليزم
علي طول ،،

انما بقي لو ال Conc. بتاع الامينو اسيد ده عالي هنا بقي هيخشو ف سكة
الCatabolism وتشغل الانزيمات اللي اسمها Trans Aminases وده لان
ال K_m بتاعتها عاليه يعني Affinity بتاعتها قليله ف هحتاج عشان يشتغل
تركيز عالي جدا من الامينو اسيد ف يدخله ف سكة الكاتابوليزم
وكده عرفنا البروتين سكتة بتمشي ازاي هو كمان ف المرحلة ديه

ندخل بقي علي حاجه جديده هنشوف مسارها ازاي ف المرحله ديه

- ال Lactate ،، مصدره ايه اللاكتيت ده ؟ ،، ال RBCs وده بيبقي علي طول و ال Muscle بس ده بيبقي Occasionally المهم ان انا ضامن Continuous Source وهو ال RBCs لو انا Fasting بقي كنت هدخل اللاكتيت ده في Cori Cycle لو فاكرينها وكنت هطلع منها بيروفيت في الكبد ومنه اعمل جلوكوز عن طريق ال Gluconeogenesis بس انا مش Fasting لا انا Well-Fed بيبقي هعمل ايه بقي ؟ ،، هجيب اللاكتيت احوله لبيروفيت والبيروفيت يتحول ل Acetyl-CoA وبعدين اعمل بيه FA

كده خلصنا اول Phase في ال Feed-Starve Cycle
نخش بقي علي المرحله الثانيه نصوم بقي

2-Early Fasting State (Post Absorptive)

وديه بتبقي بعد اخر وجبه ب ١٥ او ١٦ ساعه كده ،، في المرحله ديه لو اتكلمنا زي ماقولنا ف الأول ،،

- الجلوكوز ايه اخباره ؟ ،، قليل ف الدم
 - الانسولين طيب ؟ ،، قليل برضه
 - طب الجلوكاجون والادرينالين بقي ؟ ،، لا دول عاليين
- طب دلوتي مفيش جلوكوز ف الدم عاوزين نصنع بقي الجلوكوز ده ،، عندنا طريقتين نعرف نجيب بيهم جلوكوز ،، Glycogenolysis و ال Gluconeogenesis

طب تعتقدو مين اللي هيدينا جلوكوز دلوتي ؟ ،، ال Glycogenolysis طبعا ،، طب ال Hepatic ولا ال Muscular ؟ ،، ال Hepatic طبعا لان ال Muscle مفيهاش G6P ف مش هقدر احوله لجلوكوز

ف المرحلة ديه برضه هيشغل ال Gluconeogenesis بس دورها قليل
اوي ف بتكون ال Upper Hand لل Glycogenolysis ومع الوقت
ال Glycogen في الكبد بيخلص وبتبدأ ال Glycogenolysis تقل ع الاخر
وال Gluconeogenesis بتزيد بقي لحد ما نوصل ل ١٨ ساعه يكون ال
Glycogen خالص خالص وتبقي ال Gluconeogenesis هي المتحكمه ف
كل حاجه

طيب ال Gluconeogenesis ديه بتبدأ Hepatic ولا Renal ؟
طبعاً ال Hepatic هي اللي بتبقي بتبدأ وال Renal يبدأ بعده وبتفضل تزيد
لحد ما النسبه تبقي ٥٠% Hepatic و ٥٠% Renal
معني كده ان ف المرحلة ديه الانابوليزم كله بيبقي معموله Inhibition و
الكatabوليزم بيبدا بيبقي Activated

3-Starve (Fasting) State

ده اكثر من ١٦ ساعه صيام
يلا بقي نتكلم عن كل حاجه بالتفصيل برضه زي كل مرحله منهم
الجلوكوز ايه اخباره ؟ قليل جداً
ايه اخبار الانسولين؟ قليل جداً
طب ايه اخبار الجلوكاجون والادرينالين ؟ عاليين جداً

- طب دلوتي انا عديت ١٦ ساعه من غير اكل ايه اللي شغال ويبـ
Blood Glucose ال Maintain
طالما عديت ال ١٨ ساعه يبقى ال Glycogen خلص خلاص وهخش
في ال Hepatic Gluconeogenesis ومع الوقت ال Renal بيزيد
برضه زي ما قولنا لحد ما يبقو ٥٠%:٥٠%
طب ايه المصدر الرئيسي لل Gluconeogenesis ؟ الامينو اسيد
يبقي انا بكسر البروتين اللي موجود ف العضلات عشان اطلع امينو
اسيد واوديه الكبد والكلية عشان اعمل Gluconeogenesis

طب ايه اكثر امينو اسيد هيسيب العضلات ويروح ال Liver ال
Alanine و هنعمل اكتفیشن لحاجه اسمها Glucose-Alanine
Cycle هيروح للكبد ونحوه ل Pyruvate ونعمل منه جلوكوز
طب ايه اخبار ال Lactate اللي طالع من ال RBCs ومن ال Muscle
وقت ال Exercise طالما انا صايم بيقى هيخش Cori Cycle ونحوه
لجلوكوز

طب ايه اخبار ال Lipolysis ؟ ... طبعا هتزيد جداً
هنروح مكسرین ال TAG بس ال TAG ده موجود فین ؟ .. طبعا انا
صايم يعني معنديش لا VLDL ولا Chylomicrons بيقى هكسر ال
TAG اللي متخزن في ال Adipose Tissue وهحوه لـ Glycerol
و ال FA ال FA ديه هيحصلها Uptake من ال Extrahepatic tissue
عشان استخدمه كمصدر للطاقة وبعدين هيروح للقلب والعضلات عشان
الطاقة برضه

بس قدره القلب والعضلات علي اكسده ال FA بسيطه اوي
انما الكبد قدرته كبيره فبياخد ال FA ويعمل β -Oxidation كتير اوي
للـ FA

وبم انه بيعرف يأكسد ال FA جامد كده ف هو عاوز يساعد ال
Extrahepatic Tissue وهو عنده Excess Acetyl-CoA
يجيب اتنين Acetyl-CoA ويعمل منهم Ketone Bodies يعني عمل
Ketogenesis وبيعتهم للـ Extrahepatic Tissue
ويقوم القلب والعضلات ياخدو Ketone Bodies ويأكسدها ويستخدمهم
كمصدر للطاقة بقي

طب ال Glycerol اللي انا كسرتة من ال TAG ده مصيره ايه ؟ ،،
بعمل بيه Gluconeogenesis بوديه الكبد والكلية وبصنع منه جلوكوز
- اللي فات ده كان صيام يادوبك ١٦ ساعه طب لو انا بقي صيام يوم كامل
بسميها Over Night Starve هيحصل ايه
طب كده ال Ketogenesis بتزيد اكثر وهبدأ اعتمد علي ال Ketone

Bodies كمصدر للطاقة ويبدأ المخ يشاور عقله ان الجلوكوز قليل وفيه
Ketone Bodies رايحه جايله اهي طب ما اجر ب استخدمها كمصدر
للطاقة برضه

N.B. : طبعا الصيام ده ميقصدش وقف اكل خالص ☺ هو يقصد انه بياكل
اكل بسيط اوي زي ف المجاعات وكده ، لو وقفت اكل خالص وبتشرب ميه
بس هتوصل ل ١٤ يوم عايش بس طبعا هتتبهل علي ما تموت وتخش ف
غيبوبه وكده ده لو كملت ال ١٤ يوم يعني ☺ ، نكمل كلامنا

- طب لو امتد الصيام ل ٣ أيام يحصل ايه ؟ .. ببدا بقي المخ يستخدم ال
Ketone Bodies كمصدر للطاقة ويقل اعتماده علي الجلوكوز واحده
واحد

- وبعد أسابيع من الصيام يبدأ يستخدم ال Ketone Bodies كمصدر
رئيسي للطاقة ، بعد يوم من الصيام المخ بيكون محتاج ١٢٠ جرام
جلوكوز ف اليوم انما لما بيوصل للمرحله ديه بيحتاج ٤٠ جرام ف اليوم
بس وبقيت الطاقه بيحيبها من ال Ketone Bodies وبالتالي ال Brain
بيبقى Less Dependent بس عمره مابيكون Independent
للجلوكوز

نضيف معلومه بقي للموضوع ده ان مع تقدم ساعات الصيام بيطلع
Steroids ودول Catabolic Hormones تزود ال Lipolysis
وتطلع Amino Acid وبالتالي هتزيد ال Ketogenesis وهكذا زي ما
قولنا

4-Refed State

ديه بقي بتحصل ان واحد صايم بقاله كتير وفجأه يلاقي قدامه اكل يعد ياكل
لحد ما بطنه تبقي اد كده وده بيحصلنا كلنا ف رمضان تفضل تاكل تاكل لحد
ما تبقاش عارف تشيل بطنك وهوب تلاقي نفسك مصدع ومش شايف قدامك
وتخش ف غيبوبه وتفضل نايم ويفوتك التراويح وتفضل نايم لحد السحور

- طيب لو هنتكلم زي كل مره هنبدا نتكلم عن البروتين وعن ال TAG الميتابوليزم بتاعهم مش هيتغير
- اللي هيختلف بس هو الميتابوليزم بتاع الجلوكوز ،، ايه الفرق بقي احنا كنا قولنا ان ال Liver بيعمل uptake للجلوكوز اما بيبقي عندي انسولين ف الدم عشان ال Glucokinase ده بيحصله Induction بالانسولين ،، بس دلوتي انا صايم لفتره طويله اوي ومعديش انسولين ف الدم وبالتالي ال Glucokinase قل جدا ف الكبد وفجأه انت كنت جامد وحنفيه جلوكوز وفتحت ف الدم ،، كميه جلوكوز كبيره جداً عماله تخش للدم و ف نفس الوقت لسه الانسولين قليل انا لسه بادئ اكل وبالتالي ال Glucokinase لسه بيتصنع بس لسه مدخلش جلوكوز للكبد ف لسه الكبد عايش ف حاله Gluconeogenesis وبعد كده الانسولين يبدأ يطلع بقي ويصنع Glucokinase وأول ما يتصنع يقوم ال Liver يعمل Uptake للجلوكوز وياخد جلوكوز كتير اوي ف يقل الجلوكوز من الدم عشان بيروح الكبد تقوم انت بقي تخش في Hypoglycemia اللي سمينها Postprandial Hypoglycemia تقوم انت بقي تحس بصداع وعينك مزغلله وعاوز تنام وكده تخش انت تنام بقي يطلع شويه Anti-Insulin يضبطولك الدنيا ديه كلها بقي وانت نايم فتصحي فايق وزى الفل ☺

كده خلصنا اول موضوع ف الشابتز ال Feed-Starve Cycle وانا لحد دلوتي مقولتش حاجه جديده خالص

ويلا هنخش موضوع جديد وهو اننا هنتكلم عن نفس الحاجات ديه ساعه ال Exercise

خدو بالكو ان لازم بييجي سؤال Integration ف الفاينل و احسن وقت تذاكر فيه الشابتز بيبقي بعد الكربوهيدرات والليبيد

يلا نخش بقي ف الموضوع الجديد

Metabolic Integration in Exercise

- بيقولك بصراحه ال Exercise أنواع فيه Ex. يبقي اسمه Severe او
Strenuous يعني Ex. عنيف شويه وفيه Ex. عادي او Moderate
- هتكلم عن ال Severe Exercise ده زي رفع الاثقال كده ومسابقات ال
١٠٠ متر عدو وده يعتبر كله Anaerobic Ex.
طب سيادتك ايه مصدر الطاقة وقت ال Anaerobic Ex. ده ؟
يقولك اول حاجه هفكر فيها ال ATP ،، ال ATP ده ثانيتين ولا ثلاثه
وبيخلص من العضله طب ايه الحل
هنخش علي حاجه اسمها Creatine Phosphate وده يادوب اربع
ثواني ويخلص كل ده وانا لسه عاوز اعمل Exercise برضه طب
اعمل ايه
هنخش علي حاجه ثاني Glycogenolysis وبعديه Anaerobic
Glycolysis ،، مش العضله سيادتك فيها Glycogen هنعمله تكسير
ونطلع Glucose-6P وندخله ف ال Glycolysis ونعمله
Anaerobic Glycolysis ويطلع Lactic Acid
- طب نيجي بقي سيادتك لل Moderate Exercise ده ،، زي ايه ده
زي الجري ف الماراثون كده جري لمسافات بعيدة ومش بيحرو بكل
قوتهم كده الا ف الآخر خالص ف العضله مش بتنقبض بكل قوتها يعني
ال Blood Vessels مفتوحه ف كده يعتبر Aerobic ولا
Anaerobic ؟ ،، Aerobic طبعا !!
طب كده العضله هتعتمد علي ايه كمصدر للطاقة ؟ ،، قالك هتعتمد علي
الجلوكوز ثم الجلوكوز ثم الجلوكوز ثم ال FA ☺
بمعني ايه الكلام ده ؟ ،، بيقولك مش فيه جلوكوز ف الدم ؟ يبقي هستخدم
الجلوكوز اللي ف الدم لحد ما يخلص وبعد ما يخلص ،، مش فيه
Glycogen ف الكبد ،، هقوم مكسره يديني جلوكوز ف الدم يروح
للعضله استخدمه ثاني كمصدر للطاقة وبعد ما يخلص ده أقوم داخل علي

الـ Glycogen اللي موجود ف العضله نفسها اكسره يديني -Glucose
6 Phosphate ادخله ف الـ Glycolysis واجيب منه طاقه
كده خلصت الجلوكوز كله مش لاقى جلوكوز تاني اخش بقي اخر حاجه
الـ FA

طب دلوتي عاوز أتكلم عن حاجه ،، هو الـ Glucose Transporter اللي
موجود ف العضلات ده اسمه ايه الـ GLUT-4 وده لو فاكرين كان
Dependent علي الانسولين ،،
طب وانت بتجري وتعرق وكده عندك انسولين ولا عندك ادرينالين و- Anti-
Insulin طبعا ادرينالين و Anti-Insulin يبقي أصلا الـ GLUT-4 مش
شغال لان مفيش انسولين
يقولك ايه بقي الـ Exercise بيطلع Ca^{+2} يقوم الكالسيوم ده يعمل
Translocation للـ GLUT-4 من السيتوبلازم يطلعه بره علي الـ Cell
Membrane والـ Translocation ده Insulin Independent ويقدر
يدخل جلوكوز للعضله من غير انسولين !!
نخش بقي علي موضوع جديد خالص وهو اللي بيحصل اثناء الحمل
والرضاعه

Metabolic Adaptation in Pregnancy & Lactation

الحمل ده حاجه والرضاعه ديه حاجه تانيه خالص

• الأول نتكلم اثناء الحمل ،، **During Pregnancy**

سؤال جميل .. ايه الفرق بين الست الحامل والست اللي مش حامل ،، بالظبط
هو الـ Fetus ده وكمان الـ Placenta اللي عندها ☺
بس فيه مشكله صغيره ان الطفل ده مصدر طاقته الوحيد هو الجلوكوز
وبالتالي لازم يبقي فيه Continuous Supply من الجلوكوز لهذا الجنين

عشان كده دايما الست ف بدايه حملها ف اول ٣ شهور بتحس ب
Hypoglycemia شديده

طبيب ال Placenta ديه بتعمل ايه ،، بتطلع حاجتين Placental Steroid و
Placental Lactogen

ال Placental Steroid ديه بتعمل نوع من ال Insulin Resistance عند
الست و ال Lactogen ده بيزود معدلات ال Lipolysis ،، طب فهمني اكثر

بيقولك ال Steroid ديه هتعمل Resistance ان الخلايا هيبقي قدامها
الانسولين ومش هتستخدمه وتوفره عشان الطفل

و ال Lactogen ده بيزود ال Lipolysis ف يزيد ال FA في جسم الست
وتعتمد عليه كمصدر للطاقة وتوفر الجلوكوز ده للطفل

شمعه تحترق من اجل الاخرين يا إخواننا 😊😊 ربنا يرحم امهاتنا جميعا

وايه كمان بقي بيحصل ف الحمل ،، بيقولك Later on يعني قدام شويه ف
الحمل بيحصل زياده في ال Gluconeogenesis عشان توفر جلوكوز اكثر
للطفل و عشان كده ممكن ف أواخر الحمل كده تشتكي من Hyperglycemia

اللي بنسميه احنا ال Gestational Diabetes و كمان بيقل ال Renal
Threshold للجلوكوز ده ف مع أي زياده بسيطه في الجلوكوز يخرج ف
البول ويعمل Glucosuria

وبكده احنا خدنا نوعين من ال Maternal Glucose Disorders ف اول
الحمل يخشو ف Hypoglycemia وأواخر الحمل يحصل
Hyperglycemia

- تعالو نتكلم بقي عن الميتابوليزم اثناء الرضاعة **During Lactation**
احسن هديه تديها الام لابنها هي ال Breast Feeding أبحاث علميه كتيره
جدا اثبتت ان احسن غذاء للطفل هو لبن الام مهما كانت جوده اللبن اللي
هتجيبهوله احسن حاجه ليه ف سنه ده هو لبن الام

- دلؤتي بقي لبن الام ده عباره عن Secretion يحتوي علي ايه Minerals زي الكالسيوم وفيه Fat وفيه CHO اللي هو ال Lactose وفيه بروتين اللي هو ال Casein وهكذا وده معناه ان لبن الام ده Nutrition متكامل تعالو بقي نتكلم عن كل حاجه فيه كده جنبها منين بالتفصيل شويه
- اول حاجه اللاكتوز ،، هجيبه منين اللاكتوز ده انا عندي جلوكونز هعمل منه UDPG وبعدين احوله بال Isomerase ل UDP-Galactose وبعدين احط عليه كمان جزئ جلوكونز يقوم يديني Lactose عن طريق ال Lactose Synthase
 - طيب بالنسبه للبروتين اللي ف اللبن اللي هو ال Casein و Lactalbumin و Lactoglobulins بييجي منين ،، يقولك والله ال Breast Cells ياخدو من الدم الامينو اسيد اللازمه عشان يصنعو البروتينات ديه وبيتحفزو عن طريق الانسولين والبرولاكتين
 - طب نيحي كمان لل TAG بنجيبهم ازاي ؟ ،، هنكسر ال VLDL و ال Chylomicrons بال Lipoprotein Lipase ونطلع منه FFA ونعملهم Esterification ونعمل بيهم ال TAG بتاع اللبن
 - فيه نقطه بقي مهمه جدا وهي ال Immunoglobulins اللي في اللبن بيقولك بييجي نوع معين من ال Plasma Cells يقف عند ال Acini بتاعت ال Breast وتنكسر الخلايا ديه ف تطلع نوع معين من ال Immunoglobulins وتقوم داخله جوا ال Acini ديه وبكده تبقي موجوده ف اللبن

بيقولك لو الست بتاكل وحش واكلها مش Nutritive برضه اللبن هيبقي Nutritive ازاي ؟ ،، بيقولك لو الاكل مش كويس لازم اللبن يبغي فيه المواد بتاعته ثابتة مش بتتغير ،،

قالك والله لو هي مثلا مش بتاكل Fat هيحصل Lipolysis للدهون اللي ف جسمها هي وتروح اللبن تعمل ال TAG بتاع اللبن

ويقولك لو مش بتاكل CHO هروح اكسر البروتين اللي ف جسمها واعمل

منها Gluconeogenesis عشان اجيب جلوكوز اعمل منه لاكتوز يروح اللبن
ويقولك لو مش بتاكل مثلا بروتين هجيب امينو اسيد من جسمها واعمل بيه ال
Milk Proteins برضه
ولو مش بتاكل Minerals هروح اخذ الكالسيوم من العظم اللي ف جسمها
واروح موديه ال Breast يروح اللبن وينزل للطفل برضه
طيب كده خلصنا حتة الحمل والرضاعه ديه نخش بقي علي موضوع جديد
وهو اللي بيحصل ف الجسم وانت بتاخذ Alcohol

Metabolic Integration in Alcohol Ingestion

يا دكاتره ال Alcohol اللي بيتشرب ده ف العاده بيبقي Ethanol
لو عاوزين نعمل للايثانول ده ميتابوليزم هنعمل ايه (Diagram P.226)
اول حاجه نحط عليه Alcohol Dehydrogenase و اثيل منه H علي ال
NAD⁺ واطلع NADH,H⁺ ويديني Acetaldehyde ،، وبعدين احط عليه
Aldehyde Dehydrogenase وادخل معاه NAD⁺ و ادخل فيه واطلع
Acetate و NADH,H⁺ وعن طريق ال Acetyl Thiokinase يديني
Acetyl-CoA
انت ليه بتقولنا الكلام ده !! بقولك الكلام ده عشان تعرف ان الواحد من
المركب الصغير أبو كربونتين ده بيدي ٢ NADH,H⁺ و بيدي واحد
Acetyl CoA و الجلوكوز بجلاله قدره بيدي كان بيدي ٢ Acetyl CoA
و عدد لا بأس به من ال NADH,H⁺ وده معناه ان الكحول ده بيزود ال
NADH,H⁺ جدا ف الدم يعني بيزود ال NADH,H⁺/NAD⁺ Ratio ،،
واللي بيشرب كحول ده بيشرب از اير كثير مش بق و خلاص

- اول مشكله هنا بقي ان الكحول ده عمل Reduce لكل ال NAD اللي
عندي وخلاه NADH,H⁺ يعني خلاص مبقاش فيه Oxidized NAD
كله بقي Reduced ،، ال Main Pathways اللي عندي كانت محتاجه

NAD مش لاقياه خلاص ف ايه الحل بقي ،، ان اي حاجه كانت بتعمل Oxidation لل NADH,H ده من غير تفكير هتعد ترجع ف ال NADH,H ده ل NAD طب ايه ال Molecules اللي تقدر تعمل كده !!؟
قالك اول حاجه ال Oxaloacetate ده هيعمل Oxidation لل NADH,H ونحوه ل Malate طب وده حاجه كويسه ولا وحشه لا حاجه وحشه طبعا ،، هو احنا مش عارفين في ال Gluconeogenesis ان اهم ماده فيها هي ال Oxaloacetate وكان أي ماده ف جسمي عشان تتحول لجلوكوز كان لازم تبقي Oxaloacetate الأول وبعدين تتحول لجلوكوز وبكده انا لما احول ال Oxaloacetate ل Malate هوقف تحويل ال Oxaloacetate ل Glucose وكل ده عشان ارجع ال NADH,H ل NAD وبكده هيقبّل الجلوكوز وهوقف ال Gluconeogenesis وعشان كده الشخص اللي بيشرب كحول ده هيشتكّي من Frequent Hypoglycemia كده

- ثاني حاجه بقي ان الكحول ده بيحول ال Pyruvate ل Lactate وبالتالي هيحصل تراكم لل Lactic Acid يعمل Lactic Acidosis وهيعمل حاجه كمان هو انه هيقبّل ال Excretion بتاع ال Uric Acid لان الاتنين ليهم نفس ال Transporter واما اللاكتيك يزيّد ال Transporter هيطلع لاكتيك اسيد اكر في البول ويقل في تخريج ال Uric Acid ف يعمل Hyperuricemia يعني هيعمل Attack لمرضي ال Gout وده كنا قولناه واحنا بنشرح ال Gout وكمان ال Lactic Acid ده More Soluble عن ال Uric عشان كده بيخرج اكر

- طب دلوتي نسبة ال NADH,H زادت عن ال NAD تعتقد ايه اللي هيحصل في ال TCA ،، هتقل طبعا ويحصلها Inhibition وبكده

هيزيد ال Acetyl CoA لاني كنت بكسره بال TCA Cycle واما
اعملها Inhibition مش هكسره ف هيزيد ال Acetyl CoA في الدم
يبقي كده Acetyl CoA الايثانول ده زوده بطريقتين عن طريق اني
أوقف ال TCA ف مستواه يزداد وعن طريق اني احول الايثانول نفسه
لل Acetyl CoA

- طب ايه مصير ال Acetyl CoA اللي زاد ده ،، هيروح يزود تصنيع
ال FA وبالتالي هيزود ال Lipogenesis وبكده هيسبب Fatty
Liver وده بيسموه Alcoholic Fatty Liver عشان الكحول هو اللي
سببه

- اخر حاجه بقي بقي ان الايثانول ده بيد Aggravate ال Symptoms
بتاعت ال Porphyria ،، طب ليه ؟
عشان بيسبب زياده Cytochrome P450 وده بيزود اعراض ال
Porphyria والقصه ديه شرحناها في الهيم
نخش بقي ف اخر موضوع ف الشابتير ده وهو

Metabolic Integration in Stress

طبعا الحته ديه مش محتاجه شرح ،، لو جت في الامتحان بص لنفسك وشوف
الكلية عامله فيك ايه واكتب اللي هتلاقيه ☺

زي ايه ال Stress ده ،، زي الامتحانات اللي عند سيادتكم ديه ،، زي اللي
داخل يعمل Surgery كده يعني
طب ايه بقي اللي هيتغير ف جسمي ساعه ال Stress ده
قالك والله بيطلع ف جسمي هرمونات اسمها Stress Hormones زي ايه
بقي الهرمونات ديه !! ،، ال Catecholamines طبعا وكمان ال Cortisol
وكمان ال GH وكمان ال Thyroid Hormone كل دول اسمهم Stress

Hormones طب انا لو ركزت كده هلاقي ان كل الهرمونات دول Anti-
Insulin يعني اقدر أقول ان ال Metabolism ف وقت ال Stress هو ال
Metabolism وقت ال Starvation بفروقات بسيطه اوي ،، طب نتكلم
واحد واحد عن كل حاجه

- هل فيه Utilization للجلكوز ؟ لا طبعا ال Utilization هيقل خالص
هيبقي فيه Impaired Glucose Utilization
- طب ايه اخبار ال Glucose Production ؟ طبعا البرودكشن هيزيد
جدا
- طب بالنسبه لل Lipolysis ايه اخبارها ؟ هتبقى شغاله الله ينور هتزيد
يعني وبكده هيزيد ال FFA بس الفرق البسيط هنا ان مش هيحصل
Ketosis لانه اكيد وقت الامتحانات ده بياكل هو ممكن مضغوط شويه
بس برضه بياكل وفيه انسولين ف الجسم ف مش هيحصل Ketosis
- كمان مش هو بيعمل Glucose Production يعني بيعمل
Gluconeogenesis ،، طب مين المسئول عن ال
Gluconeogenesis ديه ؟ ،، الامينو اسيد ف بيزيد تكسير البروتين
عشان ازود الامينو اسيد يعني هزود ال Proteolysis ويحصل
Depletion للبروتين اللي ف العضلات
- هيحصل زياده في ال NPN اللي هما Non Protein Nitrogenous
Compounds اللي هما كانو Ammonia, Amino Acid, Urea,
Uric Acid, Creatine, Creatinine
- مش انا عملت Deamination الامينو اسيد هيطلع منه Ammonia
ادي NPN هيزيد ،، وبعدين هحواله ل Urea ادي NPN برضه وكمان
العضله ديه مش فيها حاجه اسمها Creatine بكسره بحوله لحاجه اسمها
Creatinine وده برضه NPN

وبكده خلصنا الشايتر ده ،، محدش يخش الامتحان من غيره سهل جدا
ومفيهوش حاجه جديده ،، واشوفكو الحصة الجايه ☺